



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Broj: 01-11-4-5824-6

Dana: 15.12.2020. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-11-4-1158 od 28.02.2020. godine u postupku javne nabavke čitača pametnih kartica, ministar unutrašnjih poslova Kantona Sarajevo,  
**d o n o s i**

## **ODLUKU**

**o izboru ponuđača za nabavku čitača pametnih kartica za potrebe Ministarstva unutrašnjih poslova Kantona Sarajevo**

### **I**

Na osnovu Odluke broj 01-11-4-5824 od 24.11.2020. godine i Obavještenja o nabavci broj 1364-7-1-78-3-64/20 od 27.11.2020. godine, proveden je konkurentski zahtjev za dostavu ponuda u postupku nabavke čitača pametnih kartica, uz primjenu e-aukcije.

Od strane Komisije za javne nabavke je, shodno Zakonu o javnim nabavkama BiH, primjenjujući kriterij "najniža cijena", data preporuka da se donese Odluka o dodjeli ugovora ponuđaču ŠPICA SYSTEMS d.o.o. Sarajevo u iznosu od 18.494,16 KM bez PDV-a (osamnaest hiljad četiristotine devedeset četiri i 16/100 KM).

### **II**

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

### **III**

Ova odluka stupa na snagu danom donošenja.



## Obrazloženje

Na osnovu Odluke broj 01-11-4-5824 od 24.11.2020. godine i Obavještenja o nabavci broj 1364-7-1-78-3-64/20 od 27.11.2020. godine, proveden je konkurentski zahtjev za dostavu ponuda u postupku nabavke čitača pametnih kartica, uz primjenu e-aukcije.

Javno otvaranje ponuda izvršeno je dana 07.12.2020. godine, sa početkom u 11:00 sati. Izvršena je kontrola načina uvezivanja ponuda, odnosno primjena propisane forme dostavljenih dokumenata i validnost ponuda, o čemu je sačinjen Zapisnik o otvaranju ponuda i dostavljen ponuđačima u zakonskom roku.

Komisija je utvrdila da je u postupku nabavke, od strane ponuđača, postavljeno pet pitanja na koja je odgovoreno u predviđenom roku.

Tendersku dokumentaciju preuzelo je 25 ponuđača, a Izmjene tenderske dokumentacije pet ponuđača dok su prispjele dvije ponude, i to:

1. ŠPICA SYSTEMS d.o.o. Sarajevo u iznosu od 18.494,16 KM bez PDV-a i
2. INTER COM d.o.o. Zenica u iznosu od 18.532,80 KM bez PDV-a.

Konstatovano je da su prispjele ponude blagovremene odnosno dostavljene su u roku predviđenom u Obavještenju o nabavci.

Komisija je izvršila provjeru kvalifikacije ponuđača, u skladu sa minimalnim zahtjevanim uslovima koje ponuđači treba da ispunjavaju, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je da su obje ponude formalno-pravno ispravne te su se stekli uslovi za zakazivanje e-aukcije.

E-aukcija je održana dana 11.12.2020. godine u 10:30 sati.

Prema Izvještaju o toku i završetku e-aukcije na dan 11.12.2020. godine ostvarene su sljedeće konačne vrijednosti ponuda, i to kako slijedi:

- Rang 1 - ŠPICA SYSTEMS d.o.o. Sarajevo u iznosu od 18.494,16 KM bez PDV-a,  
Rang 2 - INTER COM d.o.o. Zenica u iznosu od 18.532,80 KM bez PDV-a.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 70. Zakona o javnim nabavkama BiH („Službeni glasnik BiH“ broj 39/14), Komisija jednoglasno daje preporuku ministru MUP-a KS da donese odluku o dodjeli ugovora za nabavku čitača pametnih kartica ponuđaču ŠPICA SYSTEMS d.o.o. Sarajevo u iznosu od 18.494,16 KM bez PDV-a.

Cijeneći naprijed navedeno riješeno je kao u dispozitivu.

### POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od pet dana od dana prijema Obavijesti, a u skladu sa čl. 99. i 101. Zakona o javnim nabavkama BiH.



MINISTAR

mr. Ismir Jusko

### DOSTAVITI:

1. Ponuđačima x2;
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16

